



Izostao „maturant“

Zdravko Čolić, ali ga je „zamijenio“ Željko Samardžić

Sastajanje je bilo, kao nekad, na „hipi klupi“
pored Park kafane, da bi se slavlje nastavilo
u restoranu „Zelena dolina“

Iz svih krajeva svijeta, od regiona, evropskih, pa dalekih krajolika Amerike, Kanade, Novog Zelanda, Australije, pa čak i Afrike došlo je društvo koje je prije 40 godina završilo školovanje u Drugoj gimnaziji u Sarajevu.

Okupljanje „maturanata“ započelo je već 25. maja, ali je glavno sastajanje bilo, četiri dana kasnije, kao nekad na „hipi klupi“ pored Park kafane, da bi se slavlje nastavilo u restoranu „Zelena dolina“ nakon što su maturanti prije toga izvršili smotru u dvorištu II Gimnazije i oдали pomen na profesore i školske drugove koji nisu među živima.

- To je veoma „plodna“ generacija, koja je je iznjedrila velike i sposobne ljude u raznim branšama. Mahom su to doktori specijalisti priznati u inozemstvu, inženjeri, umjetnici, političari.... Na žalost ne-

mili događaji su nas postavili i razasuli po cijelom svijetu, ali zahvaljujući modernim sredstvima komunikacije mi smo očuvali prijateljstva, a družimo u ovakvim prilikama kao što je ova proslava godišnjice mature - kazao nam je Branislav Mikulić trenutno član Evropskog Parlamenta, koji živi u Irskoj u Dublinu.

Na proslavu godišnjice mature nije došao „maturant“ Zdravko Čolić, koji je svoj izostanak opravdao poslovnim obavezama, jer je u istom terminu imao turneju po Kanadi, ali je zato slavlje uljepšao popularni pjevač Željko Samardžić.

- Nisam maturant, ja sam nešto mlada generacija, a u Sarajevo sam došao isključivo zato da budem uz mog prijatelja i organizatora mojih velikih koncerata Faruka Drinu, kojem ovo slavlje mnogo znači - izjavio je Samardžić.

U slavljeničkoj euforiji, gitare i mikrofona se „ufatio“ i maturant Faruk Drina i izvođenjem repertoara Index-a, Bijelog dugmeta, Parnog valjka....vratio generaciju u ona stara dobra vremena. Bio je to emotivan čin, jer to nije bilo očekivano.

Među maturantima upoznali smo Zdenka Eterovića sudiju vrhovnog suda BiH, Mihajlu Papu doktoricu u Belgiji, Nebojšu Sparavala doktora u Kanadi, Vojkicu Tibold naučnog radnika u Americi, Majdu Smajilbegović doktora u Švedskoj, Gašić Ubavku arhitektu u Kanadi, Catić Sladana hoteljera u Italiji, Nenada Maglajlića advokata iz Sarajeva koji je i najviše truda uložio u organizaciju obilježavanja 40 godina mature.

Slavlje je trajalo do ranih jutarnjih sati, a nastavljeno je i narednog dana na „hipi klupi“.

S. B.



Faruk i Željko:
Zapjevali u duetu

B
ne, u
eda
škole
napr
defil
adici
će t
ulica
ta“
dnjo
učne
njih

Svi su
P
sljed
zvon
već
čan
ki oc
bom
anfil
širiti

Ka